

BOSNA I HERCEGOVINA
Federacija Bosne i Hercegovine
KANTON SARAJEVO
Fond Kantona Sarajevo za izgradnju stanova
UPRAVNI ODBOR
Broj:
Sarajevo, 20.01.2017. godine

Na osnovu člana 5., Odluke o osnivanju Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce, prognane osobe (u daljem tekstu: Fond) ("Službene novine Kantona Sarajevo", br. 13/98, 13/99, 10/05 i 20/05 – Ispravka) i člana 9., Statuta Fonda ("Službene novine Kantona Sarajevo", br. 15/98), Upravni odbor na sjednici održanoj dana 20.1.2017. godine, donosi

ODLUKA

o izmjenama i dopunama Poslovnika o radu Upravnog odbora
Fonda Kantona Sarajevo za izgradnju stanova za članove porodica šehida i poginulih boraca
ratne vojne invalide, demobilizirane borce i prognane osobe

Član 1.

U Poslovniku o radu Upravnog odbora Fonda od 22.9.2015. godine, glava I. Opće odredbe, član 5., st. 2. i 3., mijenja se i glasi:

"Sjednica Upravnog odbora saziva se dostavom poziva i materijala za sjednicu, redovno poštom ili putem e-maila.

U slučaju neodložive potrebe Predsjednik Upravnog odbora sjednicu može sazvati bez dostavljanja pisanih materijala, usmeno, telefonom, telefaxom, odnosno na najbrži i najprikladniji način."

Član 2.

Član 11. mijenja se i glasi: "Sjednice Upravnog odbora održavaju se po potrebi, a najmanje jedanput mjesečno .

Član 3.

Član 16., stav 2., mijenja se i glasi:

"U slučajevima kada se radi o pitanjima koja treba hitno riješiti i u drugim opravdanim slučajevima dnevni red se može, izuzetno i uz prethodno odobrenje Predsjednika Upravnog odbora, dopuniti i na samoj sjednici."

Član 4.

Član 23., stav 5., mijenja se i glasi:

"Odluke Upravnog odbora po određenoj tački dnevnog reda usvajaju se ukoliko je za iste glasala većina prisutnih članova Upravnog odbora."

Član 5.


Član 24., mijenja se i glasi:

"Ukoliko se radi o pitanjima o kojima odluke treba donositi u zakonski propisanim rokovima (usvajanje periodičnih i godišnjih izvještaja o radu, izvještaja o finansijskom poslovanju i slično) a prijedlog odluke nije prihvaćen od Predsjednika ili člana Upravnog odbora, pristupa se daljnjem raspravljanju, pojašnjavanju, obrazlaganju prijedloga, te usaglašavanju stavova, a zatim se ponovno glasa po istom pitanju, što predstavlja konačnu odluku."

Član 6.

Ova odluka važi od dana donošenja.

Sarajevo, 20 01 2017. godina



Predsjednika Upravnog odbora

Fahrudin Solak